

«ՄԵԾ» ԵՎ «ՓՈՔՐ» ՍՂՆԱԽՆՆԵՐԻ ՀԱՐՑԻ ՇՈՒՐՋ

ՋԱԿԵՆ ԱՐՋՈՒՄԱՆՅԱՆ

XVIII դ. 20-ական թվականների հույ ազատագրական շարժման մեջ խոշոր դեր էին խաղում Ղարաբաղի հինգ մելիքություններում տեղակայված սղնախները: Եվ պատահական չէ, որ տվյալ ժամանակաշրջանի ազատագրական շարժման պատմությանը ղեկավար դրեթե բոլոր հետազոտողներն այս կամ այն չափով անդրադարձել են նաև սղնախների խաղացած դերին: Սղնախների առաջացման ռազմաքաղաքական նախադրյալների, ժամանակի, տեղակայման, տակտիկա-ստրատեգիական նշանակության, քաղաքական դերի, կառուցվածքի և նման այլ հարցերի լուսարանմամբ ձեռք բերված նվաճումները կոչված են լրացնելու այդ ժամանակահատվածի հետազոտողների իրական պատկերը: Այս առումով շատ բան է արված սովետահայ պատմագիտության մեջ: Սակայն դա չի նշանակում, թե պրոբլեմի բոլոր հարցերը լուծված են: Որոշ հարցեր պարզաբանման խիստ կարիք են զգում: Հնարավոր չէ, օրինակ, շրջանցել օլատմագիտության մեջ առ այսօր քաղաքացիություն վայելող տեսակետն այսպես կոչված «Մեծ» և «Փոք» սղնախների մասին: Համաձայն այդ տեսակետի, նշված ժամանակաշրջանի ազատագրական պայքարի ընթացքում գոյություն են ունեցել այդպիսի ռազմաքաղաքական կենտրոններ, որտեղ և տեղակայված էին Ղարաբաղի հիմնական ռազմական ուժերը: Այս կարծիքի իրական լինելու նկատմամբ հավատն այնքան խորն է եղել, որ հետազոտողները «Մեծ» և «Փոք» անվանումներով ու ռազմաքաղաքական ընդունված նշանակությամբ այդ երկու կենտրոնների գոյության հարցը համարելով ինքնին փառոտ, այդ պրոբլեմի շուրջ գիտական պըրպըտումները տարել են դրանց տեղակայումը և նշանակությունը բացահայտելու ուղղությամբ: Եվ, այս բնագավառում, ինչպես և պետք էր սպասել, այնքան հակասական են եղել վավերագրերի տվյալները, որ «Հայտնի դժվարություններ» են ստեղծվել հետազոտողների ճանապարհին ու պատճառ դարձել իրարամբեր զեդրակացությունների: Այսպես, ըստ լեռնի «Մեծ» սղնախը տեղակայվել է Մոսով լեռան փեշերին, իսկ «Փոքը» (այն էլ «ամենայն հավանականությամբ») Բիրս լեռան շրջակայքում¹: Ուսումնասիրողների հետագա սերունդը, հենվելով նորահայտ վավերագրերի տեղեկությունների վրա, հակվել է դրանցից «Մեծը» զետեղել Քիրսի շրջակայքում²,

¹ А. Г. Иоаннисян, Историческое введение к сборнику «Армяно-русские отношения в XVIII веке», т. II, ч. I, Ереван, 1964, с. XL.

² Հայերը «...երեք գլխավոր բանակատեղի ունեին, որոնցից առաջինը, որ կոչվում էր Մեծ Սղնախ, գտնվում էր Մոսով լեռներում, Թարթառ գետի վրա, երկրորդը՝ Փոքր Սղնախ անունով, գտնվում էր, ամենայն հավանականությամբ, Վարանդա գավառի Քիրս լեռներում... Փոքր Սղնախի գլխավոր հրամանատարն էր Ավան Յուզբաշին...» (Լեո, Հայոց պատմություն, հ. 3, գիրք 2, Երևան, 1973, էջ 140): «Եվ այստեղ (Ջրաբերդի գավառում—Ձ. Ա.) Դադստանի գիշատիչները տեսան իրանց առաջ Վախթանգ Թագավորի անդրանիկ հիմնարկությունը—հայ մեծաքանակ զորքերի առաջին կամ Մեծ կոչված Սղնախը Մոսով սարի վրա... Բացի Մոսովի Մեծ Սղնախից կազմավորվելու էր և Փոքր Սղնախ՝ Քիրսի լեռնաշխարհում, Շուշի քաղաքին մոտ: Այս մի ինքնազուլիս բանակ չէր, այլ կազմում էր Մեծ Սղնախի բաժանմունքը...» (Լեո, Խոշալական կապիտալ, Երևան, 1934, էջ 277—283): Նույն կարծիքը տեղ է գտել նաև բուհական դասագրքերում: «Հայկական զորքի խոշոր շոկատներ առաջին հերթին կազմակերպվեցին պատմական Արցախում, այսինքն Ղարաբաղում, Մոսով լեռան շրջակայքում, այդ վայրը անվանվեց Մեծ Սղնախ... մյուս զորակալանը Փոքր Սղնախն էր՝ Շուշի քաղաքի մոտերքում» («Հայ ժողովրդի պատմություն», Երևան, 1974, էջ 673, «Հայ ժողովրդի պատմություն», հ. 2, Երևան, 1965, էջ 277):

³ Ա. Հովհաննիսյանը գրել է. «Դիզակի զորապետ Թարխան յուզբաշու ամրության վրա Ջրաբերդի զորապետներ Արահամի և Սարգսի հարձակման մասին մեզ հասած գրության մեջ պարզորոշ ասվում է, որ նրանք «եկել ան քշերն դաշունով մեծ սղնաղն կողել ան»: Այս արտ-

դրանով իսկ ահամայնց առաջ բերելով կասկածանք՝ հարցի տիրապետող դրվածքի նկատմամբ։ Այս վերջին հանգամանքն էլ տնհրաժեշտ է դարձնում նորից անգրադադանալու սղնախների վերաբերյալ հին ու նորահայտ վավերագրերի առավել մոտրակրկիտ վերլուծությանը։

Այդ ուղղությամբ մեր կատարած պրպտումներից պարզվել է, որ ոչ մի վավերագրում հաստի տեղեկություն չկա, թե նշված ժամանակաշրջանի աղատագրական շարժման ընթացքում, իրոք, Ղարաբաղի զինական ուժերի մեծ մասը կենտրոնացված էր «Մեծ» սղնախ կողմած ուղղաձայնաբան առանձին մի կենտրոնում, իսկ մյուս, վերջ մասը՝ «Փոքր» սղնախ կենտրոնում։ Այսինքն, ոչ մի վավերագրում չի հիշատակվում նման սղնախների գոյությունն փաստը, որով նաև իմաստից զրկվում է այդ սղնախների տեղակայման շուրջ պրպտումների կատարելու անհրաժեշտությունը, հարցի վերահիշյալ դրվածքը դարձնելով, իրոք, թյուրիմացություն։

Փորձենք վեր հանել այդ թյուրիմացության պատճառները։

Մեր կարծիքով հարցի նման դրվածքի հիմնական «մեղավորն» է «Բնտիր պատմությունից» Դավթ Բեդիրն սկզբնաղբյուրը, որից էլ օգտվել է Լեոն։ Այդ սկզբնաղբյուրի հեղինակը խոսելով Ղարաբաղի հայերի աղատագրական պայքարի մասին, օգտագործել է «Մեծ սղնախ» արտահայտությունը, բայց ոչ թե որևէ ուղղաձայնաբան հենակետի հղորության շահանիշը շեղտելու նպատակով (մի հանգամանք, որը վրիպել է հետազոտողների ուղարկությունից)։ Եվ ահա, Լեոն այդ արտահայտությունը փոխանցելով իր «Պատմության» մեջ, քաղաքացիություն է տվել դրան՝ հենց ուղղաձայնաբան հենակետի հղորության շահանիշն արտահայտող բովանդակությամբ։ Դա ժառանգվել է հետագա ուսումնասիրողների կողմից ու այդպես էլ մտել ռիտական գործածության մեջ։ Բայց ահա թե ինչպես է գրվում զա այդ սկզբնաղբյուրում. «Մեծ դամ թե զիս՝ ող զայս զայս լարիս տեսնալ Հայոց բնակչացն Գուգարացոց, և որք շուրջ էին բնակիչը Հայոց, զինու զարդու յորինեցան, ի մարտ պատրաստեցան միահամուռ ճակատեալ»։

Թյուրից պարզվում է, որ գրության մեջ հիշատակված Ջրաբերդի և Գյուլիստանի զորապետների սղնախներն անմիջապես կարող էին մտնել միայն Փոքր սղնախի սահմանների մեջ... Համենայն դեպս հիմքեր չկան կասկածելու, որ Մեծ սղնախի զուխ կանգնած էր Ավան յուզբաշո՝ Շուր սղնախի զորահրամանատարը, որը հետագայում դարձավ ամբողջ շարժման զխավոր շտաբը... Եթե մինչև 1724 թ. կեսերը Մեծ և Փոքր սղնախների անվան տակ հասկացվում էին մեկը մյուսից տարբեր և համախ մեկը մյուսի դեմ հակոտնյա Ղարաբաղի սղնախների միություններ, ապա հետագայում, թյուրերի դեմ Ղարաբաղի հայերի պայքարի մաքսիմալ լարվածության պահին տեղի ունեցան բոլոր, կամ համարյա բոլոր սղնախների մարտական ուժերի միավորում զորահրամանատար Ավան-յուզբաշու ընդհանուր հրամանատարության տակ։ Ահա թե ինչու այդ ժամանակաշրջանում մեր վավերագրերում լրիվ անհետանում է Մեծ և Փոքր սղնախների մասին հիշատակությունը և հանդես է գալիս «Սղնախ» կամ «Սաղնախ» ընդհանրական անվանումը» (Ա. Գ. Հովհաննիսյան, նշվ. աշխ., էջ XL)։ Ինչպես տեսնում ենք, ակադ. Ա. Հովհաննիսյանը ևս ընդունում է «Մեծ» և «Փոքր» սղնախների գոյությունը, բայց այն տարբերությամբ, որ Շուրն է համարում «Մեծը», իսկ Գյուլիստանի և Ջրաբերդի սղնախները՝ «Փոքրը»։ Բացի այդ, նա հակված է կարծելու, որ Ղարաբաղի ուղղաձայնաբան ուժերի նման երկնյուղված վիճակը տեղի է մինչև 1724 թ. կեսերը, երբ այդ ուժերը համախմբվել են մեկ ընդհանուր հրամանատարի՝ Ավան յուզբաշու, ղեկավարության տակ։ Այդուհանդերձ նա ընդունում է նաև, որ դրանց զուգահեռ կային նաև այլ սղնախներ։

Պ. Հարությունյանը գրում է հետևյալը. «Եթե Ջրաբերդի և Գյուլիստանի օկրուգները միավորվելով կազմել էին մեկ սղնախ, ապա Վարանդայի օկրուգն այդ ժամանակաշրջանում ըստ երևույթին բաժանված էր երկու իրար նկատմամբ թշնամաբար տրամադրված մասերի, որոնք ոտնդնել էին երկու ինքնուրույն սղնախներու Այդ սղնախներից մեկը միավորվելով Խաչեն-Գանս-ձասարի հետ՝ նրա հետ միասին ստեղծեց ավելի խոշոր սղնախ (ըստ երևույթին այդ սղնախն էլ պետք է համարել «մեծ սղնախը»), (Ս. Բ. Բրուդնյան, Освободительное движение армянского народа в первой четверти XVIII века, М., 1954, с. 226; հմտ. Ա. Գ. Արարահայան, Մի էջ Անդրկովկասի ժողովուրդների և հայ-ռուսական հարաբերությունների պատմությունից, Երևան, 1953, էջ 33)։ Ինչպես տեսնում ենք, նորագույն հետազոտողների տեսակետները շնայած հակասում են Լեոյի կարծիքին, այդուհանդերձ, նրանցում ևս բացակայում է միօրինակությունը։

առ Թառճար դետովն ընդդեմ ամենայն արձակելոցն ի յասպատակութիւն երկրի իւրեանց (որք և դոնտու առին այսու, և կոշեցան մինչև ցայսօր մեծ Սղնախ)»⁴։

Ինչպես երևում է, «Ընտիր պատմութիւն» հեղինակն այս պարբերության մեջ միայն արձանագրել է Ղարաբաղում կատարված դեպքերի մասին իր լսածը։ Նա նշում է միայն, որ Ղարաբաղի հայերը «առ Թառճար գետովն» շրջանում դիմադրութիւն են կազմակերպել թշնամիների դեմ, ստեղծել են սղնախ, որը հայտնի է «Մեծ սղնախ» անվամբ։ Սակայն այս հաղորդումից չի երևում, թե այդ սղնախն ինչու է կոչվում «Մեծ»։ Նա լսել է միայն, որ այդ շրջանի ժողովրդի ստեղծած ամրութիւնը հենց այդպես էլ կոչվում է՝ «Մեծ սղնախ», իսկ թե իրականում այն մեծ է, թե՞ «փոքր» նրան հայտնի չէ։ Այս հաղորդումից պարզվում է, որ Ղարաբաղի ազատագրական պայքարի շրջանից նրան հայտնի էր միայն այս սղնախը. եթե դա այդպես է, ապա նա ի՞նչ իմանար՝ այն մեծ է, թե՞ «փոքր, ինչի՞ հետ պիտի համեմատեր, երբ մի այլ ուրիշը չգիտեր։ Ուրեմն, այսքանից կարելի է եզրակացնել, որ այդ սղնախն այդպես կոչվել էր, իրոք, ոչ թե ունեցած ռազմաքաղաքական առավելութիւն պատճառով, այլ շնորհիվ այն տեղանքի տեղան, որտեղ այն ստեղծվել է։ Այդ սկզբունքով էին կոչվում մյուս բոլոր սղնախները (Գյուլիստանի, Ջրարբերդի, Խաչենի (Քարապետի), Շոշի, Կոչիգ-Ավետարանցի, Տոդի, Մեղրիի, Հալիձորի և այլն)։ Ղափանի ազատագրական պայքարի մասնակիցները՝ «Ընտիր պատմութիւն» թելադրողներ, անշուշտ, գիտեին, որ նշված ժամանակաշրջանում Գյուլիստանի և Ջրաբերդի մահալների Թառճար գետի ավազանն ընդգրկող տարածքի մեծ մասի պատմական անվանումը հենց այդպես էլ էր՝ «Մեծ կողմանք»⁵։ Նրանք պարզապես հավաստել են Ղարաբաղի «Մեծ կողմանք» շրջանում սղնախ ստեղծվելու փաստը և թելադրել ոչ թե «Մեծ կողմանքի սղնախ» ոչ այնքան հայտնար անվանումը, այլ ավելի կարճառոտ «Մեծ սղնախ» ձևը⁶։ Հենց այս իրողութիւն հաշվել լսողնելն է հիմք ծառայել հիշյալ շփոթութիւն համար։

Առավել լսիկով հավաստի չէ այսպես կոչված «Փոքր» սղնախի գոյութիւն հարցը։ «Փոքր» պարզապես լեռնի ենթադրութիւնն արդյունքն է (մի բան, որը չի ժխտում նաև ինքը)։ Լեռն հավանաբար էր «Մեծ» սղնախի գոյութիւն մեջ, որը նրան ենթադրել է տվել «Փոքր» սղնախի առկայութիւնը։ Հետազոտողները, իրողութիւն ընդունելով «Մեծ» և «Փոքր» սղնախների գոյութիւնը, փորձեցին վերանայել դրանց տեղակայման հարցը, դրանով սկիզբ դնելով մի նոր շփոթութիւն։ Դրան առիթ ծառայեցին սղնախներում գտնվող ռուսական պաշտոնական պատվիրակ Իվան Կարապետի՝ ռուսական արքունիք հղած երկու զեկուցագրերը, որոնցից մեկը նա կադմել է 1724 թ. փետրվարի 2-ին, իսկ մյուսը՝ նույն թվականի հուլիսին⁷։

Իր առաջին զեկուցագրում նա նշում է, որ Բաքվից դուրս գնալուց հետո «Թ» (9) օրում խասայ խաչերին Պզտիթ Սղնախն, և տեղէն գնացի Մեծ Սղնախն, և տեղէն գնացի Փանձալսար մեծ պատրիարքին մանաստէրն⁸, ծնայի կաթողիկոսին կոչտն։ Ոքազն կարդացին, թագաւորին հրամանին հնազաղեցանա։ Զեկուցագիրը գրվել է Շոշ սղնախում։

Մյուս վավերագիրը պատմիրակը գրել է այն բանից հետո, երբ նույն թվականի ապրիլին Ավան յուզբաշու զխալիքորութիւնը և իր մասնակցութիւնը Ղարաբաղի հայկական զորքը օգնութիւն էր գնացել Ղափանի ապստամբներին ու հետո վերադարձել։ «Ան մեք Ղափանայ եկինք, տնտինք, որ Սասյէ ախբէր Արալաման և Սարգիսն եկել ան քշերն զոշունով»⁹ մեծ սղնախն կո-

⁴ «Ընտիր պատմութիւն Դաւիթ Բէգին, եւ պատերազմաց հայոցն խափանու որք եղեն ընդ զնա՝ Թուրքաց ի մեր ումն ժամանակի, այն է յամի տեառն 1722, եւ հայոց 1171», ի Վաղարշապատ, 1871, էջ 2։

⁵ «Գաղափառ զանազան ժամանակներում կոչված է Մեծ-Կողմանք, Մեծ-Կուանք» իգիրմի-դեորդ (յուր 24 գլուղերի անունով (Քալիշ) համանուն գլուղի անվամբ ալժմ Կյուլստան) նու-նանուն գլուղի անվամբ)։— գրում է Մ. Բարխուտարյանցը («Պատմութիւն աղվանից», հ. Բ, Թիֆլիս, 1907, էջ 48)։

⁶ Ավելորդ չէ նշել, որ բացի «Ընտիր պատմութիւն» վերոբերյալ վկայութիւններից, ազատա-գրական կռիվների նվիրված և ոչ մի վավերագրում նշում չկա այն մասին, որ այս սղնախը կոչվում էր «Մեծ»։ Բոլոր վավերագրերում այս շրջանի սղնախներն անվանվում են «Ջրաբերդի» և «Գյուլիստանի» ձևով, իրականին համապատասխան։ Հավանաբար, վերոհիշյալ թելադրողնե-րին հայտնի չէր այս մանրամասնութիւնը կամ նպատակահարմար էին զտել սղնախներն ան-վանել դրանք ընդգրկող տարածքի անվանը համապատասխան։

⁷ Ա. Գ. Արա հ ա մ յ ա ն, նշվ. աշխ., վավ. № 14, 50։

⁸ «Մասնատէր» («монастырь») — վանք։

⁹ Այդ մասին մանրամասն տե՛ս Ա. Գ. Արա հ ա մ յ ա ն, նշվ. աշխ., վավ. № 52։

խել ան և Թարխան ուղարշին բռնել ան և շիրվանըցոնց տնէրն թալանել ան և մեր իբրինքն էլ Բարխանի ասանն այ եղել, տարել ահա: Այս վավերագիրը գրվել է Քարալայլիի նոր շինած դալումնա¹⁰:

Վերը բերված վավերագրերում եղած «Մեծ» և «Պզտիկ» սղնախներ անվանումներն էլ տեղիք են ափել վերոհիշյալ վիճարանությանը. հետադոտոզներին թվացել է, թե իվան Կարապետի հիշատակած այս անվանումները վերաբերում են Հնոյի նշած սղնախներին: Բայց իրողությունը բոլորովին այլ է: Բանն այն է, որ ռուսական պատմիրակի հիշատակած «Մեծ» և «Պզտիկ» (փոքր) անվանումները Ավան յուզբաշու գլխավորած սղնախի տարրեր հնակներին, այսինքն Ղարաբաղի տարածքում եղած բազմաթիվ սղնախներից միայն մեկի բաղկացուցիչ մասերին է վերաբերում: Այդ սկզբունքով էին կառուցված բոլոր սղնախները: Այսինքն, յուրաքանչյուր մեխրություն ունեւ իր հիմնական կամ «Մեծ» սղնախը, որը տվյալ ռազմաքաղաքական օջախի կենտրոնն էր և աշխտեղ էր գտնվում տվյալ շրջանի ավագանին: Դրան զուգահեռ, որպես հիմնական սղնախի ենթակա կամ բաղկացուցիչ հենակներ, տվյալ մեխրության տարածքում կառուցված էին նաև այլ ամրություններ՝ հիմնականի համեմատությամբ փոքրը սղնախներ, որոնք վտանգի պահին ապաստան էին հանդիսանում տվյալ մեխրության տարածքի մյուս բնակավայրերի բնակչության համար:

Տվյալ պարագայում Ավանի և Թարխանի զխավորած հիմնական սղնախը Շոշն էր (ներկայիս Սղնախ գյուղի տարածքում), բայց նրանց իշխանության տարածքում կար նաև մի փոքրիկ, հենց իր՝ Ավան յուզբաշու, տնունը կրող¹¹ այլ ամրություն: Եվ ահա, ռուսական պատմիրակի զեկուցագրում նշված այդ «Մեծ» և «Փոքր» վերաբերում են հենց նույն սղնախի տարրեր հնակներին, քանի որ իր առաքելության սկզբնական շրջանում, այսինքն, մինչև առաջին զեկուցագիրը գրելը նա բացի Ավանի իշխանության տակ եղած ամրություններից, ուրիշ այլ սղնախներում չի եղել: Որ դա այդպես է, երևում է հետևյալից: Բանն այն է, որ իվան Կարապետը Բաքվից սղնախներ էր ուղևորվել Շոշից ռուսական իշխանություններին մոտ ուղարկված պատմիրակներ Անտոն քահանայի և Փրիստափորի ուղեկցությամբ¹²: Այս պատմիրակները 1723 թ. զեկտեմբերին Բաքվի ռուսական ռազմական իշխանություններին էին տարել Շոշի զեկավարներին և Ծալայի կաթողիկոսի՝ Նոյեմբերի 1-ին գրած օգնության ազեքագրեր¹³ և բնական է, որ ես պետք է բերեին նրա պատասխանը: Ահա այդ պատմիրակներն էլ իրենց հետդարձի ուղերթին միացած իվան Կարապետի Գանձասար կարող էին տանել միայն Դիդակի և Խաչենի մեխրությունների տարածքով, քանի որ այդ ժամանակամիջոցում Ղարաբաղի ռազմաքաղաքական շրջաններում տակտիկական տարածայնություններ կային: Այսպիսի իրավիճակի գոյության պայմաններում էլ ռուսական զինված օգնությամբ ազատագրվելու կողմնակիցներն այլ կերպ վարվել չէին կարող: Գանձասարի կաթողիկոսն ու Շոշի զեկավարները ստիպված էին քաղաքական այդ կուրսը ժամանակից շուտ չքացահայտելու նպատակով խիստ զգուշի պահել այդ առթիվ կատարվող գրադրություններն ու բանակցությունները: Եվ բնական է, որ Բաքվի ռուսական իշխանություններին ու հենց նաև ցարական արքունիքի հետ բանակցությունների համար էլ Իրանը պետք է ընտրեին առավել տպահով դեպքանական ճանապարհ, որն անցներ Խաչենի և Ավան յուզբաշուն ենթակա տարածքների վրայով: Այնպես, որ Գանձասարից անցնելով Շոշ ու Նըշված տարածքով շարժվել հարավ, շրջուցներ Վարանդուխի մեխրությունն ու թեքվեր արևելք: Հետդարձի ճանապարհն էլ նույնն էր և հենց այդ ճանապարհով էլ Շոշ էր բերվել ռուսական պատմիրակը: Շոշի և Գանձասարի պատմիրակների հենց այս հետդարձի ընթացքում էլ նրանց միացած ռուսական պատմիրակը Ղարաբաղ մտնելուց հետո Շոշ կարող էր գնալ միայն Ավանի ենթակայության տակ գտնվող տարածքով, և մինչև Շոշ հասնելը եթե հանդիպեր որեւէ ամրու-

¹⁰ Քարալայիի սղնախը կառուցվել է Շոշի վրա վերահիշյալ հարձակումից հետո: Այն զբաղեցրել է Խաչենի մեխրության տարածքում: Բացի իվան Կարապետից այս սղնախում էր հաստատվել նաև Թարխան յուզբաշին: Այս սղնախում էլ ընթանում է նրանց հետագա գործունեությունը, ընդհուպ մինչև Ռուսաստան տեղափոխվելը:

¹¹ Մ. Բարխանյան, Արցախ, Բաքու, 1895, էջ 83:

¹² Г. А. Эзов, Сношения Петра Великого с армянским народом, СПб., 1898, док. № 252.

¹³ Նույն տեղում, վավ. № 282:

թյան, ապա այն ևս պետք է ենթարկվեր Ավանին: Իսկ Գանձասար գնալու համար նա այդ տարածքով պետք է շարժվեր հյուսիս-արևմուտք, դար Շոշ, այդտեղից թեքվեր հյուսիս ու անցներ Խաչենի մելիքություն, որտեղ գտնվում էր Գանձասարը: Հենց այս ուղիքին է նա նկարագրել փետրվարի 2-ին գրած իր վերոհիշյալ զեկուցագրում: Այս տարածքով անցնելիս Իվան Կարապետը սկզբում եղել է մի փոքրիկ ամրությունում (թերևս դադար են առել այդտեղ), իսկ հետո «ղերթը շարունակելով հասել է ավելի խոշոր ամրություն (Շոշ), այստեղ հրապարակել ռուսական կայսրի հրովարտակը և այդ սղնախի ղեկավարների ուղեկցությամբ անցել Գանձասար Գանձասարում ևս նա հրապարակել է հրովարտակը և այդ կապակցությամբ կատարված արարողությունից հետո նորից հետ վերադարձել Շոշ և փետրվարի 2-ին այդտեղ էլ գրել վերոհիշյալ զեկուցագիրը¹⁴: Այնպես, որ Ղարաբաղ գալու որվանից, գոնե, մինչև փետրվարի 2-ը Իվան Կարապետը գտնվել է Ավանի ռազմաքաղաքական միավորումում՝ Շոշում: Նա ուրիշ սղնախում չէր եղել և չէր էլ կարող լինել, քանի որ Շոշի ղեկավարները նրան չէին թողնում հեռանալ իրենցից. «...ասում ան, թե հայ մեր քշտին կացիր մինչև թագավորն գալ, հայ թագավորին ուզողն մեղ տուր, մեք թեղ խէտ մարթ դեննք, տանի թուռն յանցկացնի»¹⁵:

Կարծում ենք, այսքանը համազոր է դարձնում, որ նրա նշած «Մեծ» և «Պոտիկ» սղնախները վերաբերում են Ավանին ենթակա ամրություններին և «Մեծ» սղնախ էլ նա անվանել է հենց Շոշը, որտեղ հաստատվել է և ինքը: Այդ մասին կա հավաստի հետևյալ վկայությունը: Հավանի գրված զեկուցագրի վերը մեջբերված հաղորդումից երևում է, որ Ղափան գնալու կապակցությամբ Ավանի և պատվիրակի բուցակայության ժամանակ Գյուլիստանի սղնախի յուզ-բաշինները հարձակում են գործել Մեծ սղնախի վրա ու գերել Թաթխան յուզբաշուն: Կասկած չի հարուցում, որ այստեղ «Մեծ սղնախ» անվան տակ խոսքը Շոշի մասին է, քանի որ Ավանը և Թաթխանը հենց Շոշի ղեկավարներն էին:

Ուրեմն, ԼՍԹ փետրվարին պատվիրակ Իվան Կարապետը հաստատվել էր Ավանի և նրա Կղարյա Թաթխանի գլխավորած Շոշ սղնախում և վերջիններս չէին թողնում, որպեսզի նա իրենցից հեռանա, այս ապրիլին, նույն յուզբաշինների գլխավորած սղնախի վրա կատարված հարձակման ժամանակ, Թաթխանի տնից պատվիրակի իրերի բռնագրավումը կարող էր կատարվել Շոշ սղնախում: Եվ օրինալափ է նաև այն, որ Ղափան ձեռնարկած զորաշարժի, այսինքն՝ Ավանի բուցակայության ընթացքում, Շոշի պաշտպանությունը գլխավորեր նրա Կղարյա՝ Թաթխան յուզբաշին, որին «բռնել ան» դարձյալ վերոհիշյալ հարձակման ժամանակ, բռնագրավելով նաև այդտեղ հաստատված մյուս շիրմանցյունց» ունեցվածքը: Այսինքն, ստույգ պատի համարել, որ պատվիրակի հաղորդած վերոհիշյալ «Մեծ սղնախ» իրոք վերաբերում է Շոշին¹⁶, որի գլխավորներն էին Ավանի և Թաթխանը:

Իսկ «Իրն է «Պոտիկ» («Փոքր») սղնախը, որը ռուսական պատվիրակը տեսել է Բաբվից Շոշ գալու ճանապարհին, դարձյալ Ավանին ենթակա տարածքում, Մ. Բարխուդարյանց իր «Սերբախ» աշխատության մեջ, նկարագրելով Գիզակի բերդերը, նշում է նաև Վինսա Ղալան¹⁷, որը գտնվում է Հաղորմի հյուսիսային կողմի լեռնաճյուղի հյուսիսահայաց լանջին, Հավթիթա-

¹⁴ Զեկուցագրի վրա մակագրված է. «Письмо армяннина Карапета из урочища Шош от 2 февраля 1724 г.».

¹⁵ «Армяно-русские отношения в первой трети XVIII века», т. II, ч. II, Ереван, 1967, док. № 210.

¹⁶ Այս իրողությունը հաստատել են նաև նորագույն հետազոտողները: Բայց այս «Մեծը» նրանք դիտել են ոչ թե որպես մի ռազմաքաղաքական միավորի բաղկացուցիչ, համեմատաբար ավելի մեծ մաս, այլ համադրաբարյան մասշտաբով գլխավոր զորակայան, ձգտելով լեռյին ուղղել այն հարցում, որ Ղարաբաղի ռազմական ուժերի հիմնական կենտրոնը («Մեծ սղնախը») ոչ թե գտնվում էր Մոավ լեռան փեշերին, այլ հենց Շոշն էր: Մենք արդեն տեսանք, որ ակադ. Ա. Հովհաննիսյանը հենց այս բովանդակությամբ էլ ընդունելով այս սղնախի անվանումը, հակված էր Գյուլիստանի և Զրաբերդի սղնախները համարելու «Փոքրը»: Նա այդպես էլ գրում է. «Այս գրությունից (խոսքը ռուսական պատվիրակի հուլիսին գրած զեկուցագրի մասին է — Զ. Ա.) պարզվում է, որ գրության մեջ հիշատակված Զրաբերդի և Գյուլիստանի զորապետների սղնախները անմիջապես կարող էին մտնել միայն փոքր սղնախի սահմանների մեջ» (նշվ. աշխ., էջ XL): Ուրեմն նա լեռյի առաջագրած սղնախների տեղերն է փոխում միայն: Այս մասին տե՛ս նաև Ա. Գ. Աբրահամյան, նշվ. աշխ., էջ 33, II. Т. Арутюнян, նշվ. աշխ., էջ 226:

¹⁷ Մ. Բարխուդարյանց, Արցախ, էջ 83:

Բաղը քննակալարի շրջակայքում՝ Մ. Բարխուտարյանցը նաև ուղղակի նշում է, որ «Բերդս կոչվում է և Ավանիդարաշու բերդ»¹⁸։ Ավանի անվան հետ կապված բերդի և նույնանուն սարի գոյությունը փաստը կարիք չի զգում այլ վավերագրերի հաստատման, նթն դա այդպես է, ապա ուսացվում է, որ Ավանի անվան և գործունեության հետ կապված ունենում ենք իրարից ոչ այնքան մեծ հեռավորություն վրա գտնվող ռազմական երկու հենակետեր, մեկը, արդեն վերը հիշատակված Շոշը, որն ի վան Կարապետն անվանում է «Մեծ սղնախ» և երկրորդը՝ հենց իր, Ավանի անունը կրող այս դալա-ամրությունը։ Ամենայն հավանականությամբ ուսական պատվիրակն իր ղարաբաղյան ուղեգնացության հենց սկզբից էլ առաջինն այստեղ է այցելել, այստեղից անցել Շոշ (Մեծ սղնախ), որտեղից էլ ճանապարհը շարունակել է դեպի Գանձասար, քանի որ դա մի գծի վրա է։

Ռուսական պատվիրակն իր առաքելության հենց սկզբում լինելով միայն Ավան յուզրաշու դիսպոչորած երկու ամրություններում, քնական է, որ առաջին զեկուցագրում իր այցելած հենակետերի մասին խոսելիս, կամ դրանք տարբերելու համար պետք է ինքնը միայն նրանց չափերից, այսինքն նշեր, որ ինքը սկզբում եղել է Փոքր սղնախում, այդտեղից անցել է չափերով ավելի մեծ սղնախը և այլն։ Դրանում դժվար չէ համոզվել, եթե առանձին-առանձին ներկայացնենք ու համեմատենք այս երկու ամրությունները։

Նախ, ասենք, որ Շոշ սղնախը, կամ վերոհիշյալ մեծ սղնախը չի կարելի նույնացնել բուն Շոշ գյուղի հետ։ Շոշը այն գյուղն է, որտեղ հիմնավորվել էին «շիրվանցիները»՝ Ավանի և Թարխանի գլխավորությունով։ Սրանք էլ ընտրել են Շոշից մի քանի կիլոմետր հարավում գտնվող մի անառիկ տեղանք և ամրացրել այն։ Դա էլ կոչվել է Շոշի սղնախ և առ այսօր էլ գոյատևում է որպես Սղնախ անունով գյուղ, իսկ քննվող ժամանակաշրջանում ժայռակերպ տեղանքի պատճառով կոչվել է նաև Քար։ Ինքը՝ Շոշ գյուղը, սղնախ լինելու ոչ մի հարմարություն չունի և դրսևում է ստորատեղիական անբարենպաստ դիրքում, մինչդեռ այդ սղնախը շրջապատի վրա իշխող քնականից դժվարամատչելի մի վայր էր, որտեղ վտանգի դեպքում քաշվում էին Շոշի քնակիչները՝ անասուններով, ունեցվածքով և թխիզանված։ Այն բաղկացած էր երկու մասից, ստորին՝ այդ սարահարթի, նույնպես դժվարամատչելի ստորոտում եղած ամրությունից (որը հիմնական քնակավայրն էր) և վերինից, որն առավել անմատչելի էր և որից օգտվում էին ծայրահեղ դեպքերում։ Բերենք այդ սղնախի հետ կապված ռազմական մի միջադեպի նկարագրությունը՝ արված ի վան Կարապետի կողմից, 1726 թ. աշնանը, Երազցեալ մայրում լինի վերոյ գրեալ սահապիս ղուլուղումն, որ... բարդոյ Սարո Մուստաֆայ գիւշեն... և Հաջի Դավութ, ուր ախպէրն, ուր ղոշումովն եկին Ավան ուղբաշուն սղնախին վերէն Դ (4) օրն կոճի տվին։ Դ (4) օրնէն յետ Ավան ուղբաշին ուր սէղնաղինց դուրս եկավ, եկավ իմ սէղնաղըն, որ է Թարխան և Բաղին և Սարգիս ուղբաշուն սէղնաղ էր։ Ավան ուղբաշու դուրս գլուխ յետ, Օհան և Սիմեոն ուղբաշուն խետ Դ (4) օր էլ կոճի տվին, որ է դառցավ Ը (8) օրն, մինչև սէղնաղին կէսն առին, խիզան ոխը բալուրեցին վերին սէղնաղ։ Ներքին սաղնաղին որչանք ող ձի և տավար կէր, տարան»¹⁹։

Բերված հատվածից երևում է, որ Շոշի սղնախը, իրոք, բաղկացած էր երկու՝ մեկը մյուսի շարունակությունը կազմող մասերից։ Նրա ներքին մասը պաշտպանական տեսակետից ավելի խոցելի էր։ Այդ պատճառով էլ պաշտպանները ստիպված են եղել ներքին մասում թողնել ամբողջ գույքը և անասունները, ինչը և բռնագրավել ու տարել են թուրքերը վերին սղնախի համար տված շորսորյա ճակատամարտից հետո։ Ուրեմն, ինչպես երևում է Շոշի սղնախը (Մեծ սղնախը) կրկնակի պաշտպանական գոտիների ունեցող սիստեմ էր, որը վտանգի դեպքում ապաստան էր ծառայում ոչ միայն մարդկանց, այլ նաև գույքի և մեծաքանակ անասունների համար։ Այսինքն դա հզոր ամրություն էր։

Իսկ ինչպիսի՞ հնարավորություններով էր օժտված Փոքր սղնախը՝ Վենես դալան։ Այս ամրությունը կառուցվածքի մասին Մ. Բարխուտարյանցի վերոհիշյալ գրքում արված է հետևյալ նկարագրությունը. «Ամրոցս ունի քարակերտ շրջապարիսպ, որ բոլորված է զազաթի դիրքի ձևով, երկու բարձր և ամուր բուրգ և մի դուռ... Պարսպի ամենաբարձր մասն երկու աշտարակների կողմն է։ Հարթ և հավասար է ամրոցիս մակերևութին, որ համարյա թե հարյուր քառակուսի մետր է... ամրոցիս հատակն լի է քնակարանների քարակերտ բակերով, իսկ վերնամասում շինված է իբրև միջնաբերդ մի սիոթրիկ ղղյակ, որի մեջ է քարակերտ շինված մի ընդար-

¹⁸ Նույն տեղում։

¹⁹ Ա. Գ. Արա հ ա մ յ ա ն, նշվ. աշխ., վավ. № 76, 79։

ևսլի յրավադան, որի մեջ տակավին կա շուր, բայց անմաքուր²⁰։ Ինչպես տեսնում ենք, Շոշի սղնախի ռադմատակտիկական հնարավորությունները և հզորությունը Վենեսա զալա ամրության համեմատությամբ ավելին էին. երկու մասից բաղկացած և փաստորեն երկու սղնախի հնարավորություններ ունեցող Շոշի սղնախը կարող էր պատուպարել հազարավոր անասուններ, հարեւան գյուղերի բնակիչներին և այլն, իսկ Վենեսա զալան իր հարյուր քառակուսի մետր տարածքով կարող էր պատուպարել անհամեմատ քիչ թվով մարդկանց։ Ռուսաստանից նոր ժամանած պատվիրակը առաջին անգամ լինելով այս ամրություններում, բնական է, որ դրանք իրարից տարբերելու համար Շոշի սղնախը պիտի անվաներ Մեծ, իսկ Վենեսա զալան՝ Փոքր։ Այնպես, որ վերոհիշյալ վավերագրային հիշատակումների պատմագրիտական արժեքը սահմանափակվում է միայն նրանով, որ գաղափար է տալիս Ղարաբաղում եղած 6 ռազմաքաղաքական միավորներից միայն մեկի՝ Ավսոն յուզբաշու գլխավորած միավորի կառուցվածքի մասին։ Այսինքն, նրանից իմանում ենք, որ այն բաղկացած էր երկու՝ մեծ և փոքր հենակետերից։

Այսպիսով ստացվում է, որ ռուսական պատվիրակի վերոհիշյալ տեղեկությունները շին կարող հիմք ծառայել հետազոտողների վերը հիշատակված կարծիքների համար։ Պատվիրակի նշած «Մեծ» սղնախը, ինչպես տեսնուք, Ավանի և Գարիսոնի ղեկավարած սղնախի կազմում եղած երկու ռազմական հենակետերից իր հզորությամբ առավել մեծին է վերաբերում միայն։ Ղարաբաղի տարածքում իրենց հզորությամբ այդպիսի «Մեծ» սղնախներ էին նաև Վարապետ-գյուլը, Գյուլյիստանը, Ջրաբերդը, Տողը, Կոչիզ-Ավետարանոցը և այլն, և սրանցից ոմանք ավելի հզոր էին, քան Շոշի սղնախը։ Այնպես, որ հիմք ընդունելով Իվան Կարապետի զեկուցագրում տեղ գտած «Մեծ» սղնախ» անվանումը, չի կարելի Շոշը համարել Ղարաբաղի ռազմական ուժերի գլխավոր կամ հիմնական կենտրոնը, իսկ «Փոքրի» տակ չափերով ավելի փոքր կենտրոնը և նույնիսկ Գյուլյիստանն ու Ջրաբերդը ներառել վերջինիս կազմում և այն հակոտնյա վիճակի մեջ դնել «Մեծի» հետ։ Սա բացահայտ թյուրիմացություն է, որովհետև իմաստ չունի սովորական սղնախներին Իվան Կարապետի տված անվանումների մեջ որոնել ռազմաքաղաքական հզորությամբ համաընթացող և մասշտաբի չափանիշներ։ Նման փորձը կարող է թողնել այն տպավորությունը, թե ապտագրական պայքարի ժամանակաշրջանում, իրոք, Ղարաբաղի ուժերը կենտրոնացած և եղել միայն այս երկու խոշոր հենակետերում։ Դա միայն վիճակագրական երանգ կհաղորդի այդ ժամանակաշրջանի պատմությանը, ուղիների տակ կթողնի հինգ մեխիթուրյուններում ստեղծված վեց սղնախների ուժերով իրականացված առավել մասսայական ու ծավալուն պայքարի իրական պատկերը։ Ազատագրական պայքարի ուժերը կազմակերպված էին ըստ մեխիթուրյունների և յուրաքանչյուր մեխիթուրյուն առանձին ռազմաքաղաքական միավոր էր՝ իր համապատասխան կենտրոնով։ Վտանգի, այսինքն թշնամու հարձակման դեպքում այստեղ էր պատուպարվում տվյալ մեխիթուրյան ավագանին, իհարկե, ունեցելուծքով և անասուններով, ինչպես նաև մոտակա գյուղերի բնակչությունը։ Իսկ ինչ նման է մեխիթուրյան ավելի հեռավոր գյուղերի բնակչությանը, ապա, բնական է, որ նրանք վտանգի դեպքում չէին կարող օգտվել հիմնական այս սղնախից և ըստ բնական հարմարությունների իրենց համար ևս կառուցում էին նման ամրացված հենակետեր, որոնք չափերով ավելի փոքր էին լինում, քան հիմնականը։

Ինչ խոսք, որ դիմադրության կազմակերպման գործում հիմնական դերը կատարում էր կենտրոնական կամ մեծ սղնախը, որտեղ յուրաքանչյուր մեխիթուրյան ավագանուց բացի կենտրոնացված էր լինում նաև զինական ուժի մեծ մասը։ Եթե մեխիթուրյան հիմնական կամ կենտրոնական սղնախը մեկն էր, ապա փոքր ուղնախների քանակը տարբեր մեխիթուրյուններում տարբեր էր՝ կապված տեղանքի պաշտպանական հնարավորությունների հետ։

Այսպիսին էր սղնախների ռազմաքաղաքական կառուցվածքը Ղարաբաղի մեխիթուրյուններում։ Օրինակ, ինչպես մեխիթուրյունում հիմնական կամ մեծ սղնախ էր Քարազուխ բնակավայրն իր շրջակա, ավելի քան 250 հոգ, գրեթե անառիկ տարածքով. բացի սրանից փոքր սղնախներ կային նաև Խնձրիստան գյուղի արևմտյան մասում, Գանձասար վանքի շրջակայքում, Կալաղակարբերդի, Խոխանաբերդի շրջաններում և այլն։ Ջրաբերդի մեխիթուրյան գլխավոր սղնախն էր Ջրաբերդը, բայց որպես սղնախ հիշատակվում է նաև Քաղաքատեղի վայրը։ Ավանի գլխավորած ռազմաքաղաքական միավորի գլխավոր սղնախն էր Շոշը, բայց ինչպես տեսանք էար նաև փոքրիկ սղնախ՝ Ավանա բերդը և այլն։

Հասկանալի է, որ յուրաքանչյուր մեխիթուրյան ռազմաքաղաքական հնարավորություններն

ի սպաս էին դրված տվյալ մեխիթուրյան պաշտպանության նպատակներին: Անհրաժեշտության դեպքում, իհարկե, մի մեխիթուրյան ուժերի մի մասը օգնության էր գնում հարեան մեխիթուրյան սղնախներին, բայց ասել, որ այդ ժամանակաշրջանում ստեղծվել էին համադարարական մասշտաբի զորակայաններ (ներկա պարագայում երկու), որտեղ և տեղակայված էր զորքերի հիմնական մասը, ճիշտ չէր լինի: Նախ, այն պառնառով, որ լեռնային տեղանքն ինքնին բացահայտում էր մի տեղում մեծաքանակ զորքերի կուտակումը, քանի որ տեղանքի պառնառով բացահայտում էր նաև նման զորամիավորումների մասշտաբային գործողությունների հնարավորությունը: Թշնամու հարձակման դեպքում լեռնոտ տեղանքի պաշտպանների համար ամենից արդյունավետ պայքարի ձևերն էին հաջող պաշտպանությունը և հմուտ թեանցումները, որոնց համար պարտադիր չէ մեծաքանակ ուժերի կուտակումները: Այսպիսի կուտակումները թերևս ավելի շուտ վնասակար կլինեին, քան օգտակար:

Մյուս կողմից, սակավամիթոց լեռնականների համար տնտեսական տեսակետից ձեռնառնել և արտադրաուժ հանդիսացող տղամարդկանց մեծ մասաներ կենտրոնացնել առանձին գործողություններում՝ որպես գործող բանակ: Այդպիսի դեպքում մի կորագլուխ տնտեսությանը, ինչ միջոցներով, կամ ուժ հաշվին պետք է պահվեր այդ բանակը: Լեռնականների կենսամիջոցները հնարավորություն էին տալիս կենտրոնական, կամ մեծ սղնախում պահել միայն ստեղծանակ բանակով մշակակն զորք, իսկ ռազմական քնակչության մեծ մասը շնայած զինված էր, բայց զրավում էր տնտեսությանը:

Կար նաև մի այլ հանդամանք: Զպեսք է մոռանալ, որ միասնական զորամիավորումների մասին խոսելուց առաջ պետք է հիշել, որ ազատագրական պայքարը տարվում էր ավատական մասնավածության պայմաններում: Դա համընդհանուր երևույթ էր ոչ միայն հայ իրականության, այլ նաև Անդրկովկասի մասշտաբով: Այսպիսի մասնատվածության և հաճախ նաև ավատատիրական հաղի վրա եղած ներհակությունների պայմաններում ի՞նչ խոսք կարող էր լինել միասնական զորամիավորումների մասին, ո՞վ պիտի լիներ հրամանատարը, ինչ սկզբունքով պետք է իրականացվեին ռազմատնտեսական մատակարարումները, հանդերձավորումը և այլն: Այս հանդամանքները բացառում են նման միասնական զորամիավորումների ստեղծման հնարավորությունը, իսկ պատմագիտության մեջ եղած վերահիշյալ կարծիքներն էլ հիմնադրվել են:

К ВОПРОСУ О «БОЛЬШИХ» И «МАЛЫХ» СГНАХАХ

ЗАВЕН АРЗУМАНЯН

Резюме

Вопрос о существовании «больших» и «малых» сгнахов в Карабахе как основных центров освободительной борьбы армян в 20—30-х гг. XVIII в. является недоразумением, возникшим в результате употребления наименования «Мец Когманк» в сокращенном виде и сравнения названий двух укреплений, находящихся в составе военно-политической единицы во главе с Аван Юзбаши. Анализ письменных источников показывает, что центры военно-политических единиц освободительной борьбы создавались и действовали в каждом меликстве и поэтому границы этой борьбы гораздо шире предполагаемых.